



Málstefna Sveitarfélagsins Skagastrondar

1. Leiðarljós og gildissvið

Vandað, skýrt og auðskilið mál, hvort heldur ritað eða talað, er lykilatriði í allri þjónustu og stjórnsýslu Sveitarfélagsins Skagastrondar. Þar er íslenska í öndvegi og skal hún vera til fyrirmynnar í samræmi við þingsályktun um íslenska málstefnu frá 2009 og lög um stöðu íslenskrar tungu. Í sömu lögum er kveðið á um að ríki og sveitarfélög beri ábyrgð á að varðveita og efla íslenska tungu og sjá til þess að hún sé notuð.

Allar almennar upplýsingar um þjónustu sveitarfélagsins skulu auk íslensku einnig vera aðgengilegar á heimasíðu sveitarfélagsins á ensku og öðrum tungumálum eftir því sem við á með aðstoð tungumálavéla.

Í rafrænni þjónustu Sveitarfélagsins Skagastrondar skal allt mál vera skýrt og auðskiljanlegt þannig að íbúar geti hæglega nýtt sér hana og lokið erindum sínum.

Málstefna þessi tekur mið af annarri stefnumörkun og skuldbindingu af hálfu Sveitarfélagsins Skagastrondar og byggir á grundvallaratriðum um jafnræði, virðingu, traust, gagnsæi, gott aðgengi að upplýsingum og virkum samskiptum.

Málstefna þessi gildir á öllum starfsstöðvum Sveitarfélagsins Skagastrondar. Starfsfólk skal taka mið af henni í störfum sínum og samskiptum. Starfsmenn skulu vanda allt mál í þjónustu og upplýsingamiðlun.

2. Íslenska og önnur tungumál

Starfsfólk Sveitarfélagsins Skagastrondar skal nota íslensku í störfum sínum og stjórnsýslu nema í sérstökum aðstæðum sem krefjast þess að starfsmenn noti önnur tungumál t.d. í boðuðum viðtölum við fólk með annað móðurmál en íslensku. Auk þess skulu starfsmenn kalla eftir aðkomu túlka þegar nauðsynlega er talin þörf á í samráði við næsta yfirmann. Allar upplýsingar um þjónustu sveitarfélagsins, útgefið efni, fundargerðir og önnur gögn skulu vera á vandaðri, skýrri og auðskiljanlegri íslensku.

Allt efni sem skylt er að upplýsa íbúa og hagsmunaaðila um samkvæmt lögum, reglugerðum og öðrum stjórnvaldsfyrirmælum skal birta á vandaðri og auðskiljanlegri íslensku. Þetta á meðal annars við um skipulagsákvvarðanir, grenndarkynningar, auglýsingar, tilkynningar, reglugerðir og aðrar samþykktir.

Íslenska skal vera megin samskiptamál í þjónustu og vinnuumhverfi starfsstaða Sveitarfélagsins Skagastrondar. Þetta gildir líka um viðmót í tölvum, rafrænni þjónustu og helsta notendahugbúnaði á starfsstöðum sveitarfélagsins þar sem því er við komið.

Hjá Skagaströnd er litið á margbreytileika mannlífsins og tungumálakunnáttu sem auðlind. Meta skal þekkingu og menntun starfsfólks af erlendum uppruna að verðleikum og veita því aðstoða til að nýta hana samhliða því að ná góðum tökum á íslensku máli. Starfsfólk sem er í beinum samskiptum við íbúa Sveitarfélagsins Skagastrondar, skal hafa grundvallarfærni í íslensku eða eftir atvikum vera að sækja sér þá færni.



3. Aðgengi

Allar upplýsingar um þjónustu Sveitarfélagsins Skagastrandar skulu vera á aðgengilegri og auðskiljanlegrí íslensku, sem og upplýsingar um stofnanir og þjónustu sveitarfélagsins á ensku. Íbúar skulu hafa greiðan aðgang að þessum upplýsingum á heimasíðu sveitarfélagsins sem og hjá starfsmönnum hverrar starfsstöðvar þannig að allir geti tekið virkan þátt í íbúalyðræði og samfélagsumræðu.

4. Málfar og málnotkun

Sá sem kemur fram fyrir hönd Sveitarfélagsins Skagastrandar talar og ritar vandað mál, sýnir vinsemð og virðingu í öllum samskiptum og þjónustu. Á það við um öll tungumál, íslensku sem önnur. Vandað mál er markvisst og í samræmi við málvenjur, í viðeigandi málsniði og ritað í samræmi við gildandi reglur og réttritun.

Starfsfólk skal nota vandaða íslensku í samskiptum og þjónustu og þýða eins og kostur er íslensk fagheiti og hugtök í störfum sínum.

Sá sem skrifar og svarar erindum fyrir hönd Sveitarfélagsins Skagastrandar skrifar einfaldan, skýran og hlutlægan texta. Hann forðast gildishlaðin orð, sterkt lýsingarorð, flókin fagheiti og skammstafanir. Sveitarfélagið Skagaströnd leitast við að bæta íslenskukunnáttu starfsmanna sinna eftir því sem við á með símenntun til að málfar og málnotkun í skriflegum sem og munnlegum samskiptum geti verið til fyrirmynnar. Aðgangur skal vera mögulegur að öllum nauðsynlegum orðabókum og vefsíðum um íslenskt mál og málnotkun.

Sveitarfélagið Skagastönd reynir eftir fremsta megni að efla færni erlendra starfsmanna í íslensku með vönduðu málfari í daglegu starfi sem og að hvetja starfsmenn til að sækja íslenskunámskeið í þeim tilgangi að auka færni sína.

5. Ábyrgð

Sveitarstjórn ber ábyrgð á málstefnu Sveitarfélagsins Skagastrandar en stjórnendur stofnana sveitarfélagsins bera ábyrgð á því að framfylgja henni.

Sveitarstjórn skal endurskoða stefnuna við upphaf kjörtímabils. Sveitarstjórn ber einnig ábyrgð á ráðgjöf og eftirliti með góðu málfari á útgefnu efni á vegum sveitarfélagsins.

Allar stofnanir Sveitarfélagsins Skagastrandar tileinka sér þessa málstefnu og fylgja henni eftir.



SVEITARFÉLAGIÐ SKAGASTRÖND

Tillaga að innleiðingu málstefnu Sveitarfélagsins Skagastrandar, verkþáttum, tímasetningum og ábyrgðaraðilum.

Sveitarstjóri og forstöðumenn deilda eru helstu talsmenn stefnunnar og fylgja henni eftir. Þeir fylgjast með að útgefið efni sé á skýru og skiljanlegu máli og tryggja aðgang starfsmanna að uppflettiritum á hverri starfsstöð eftir því sem við á. Forstöðumenn sjá um að kynna málstefnuna á eigin sviðum og skulu þeir sjá til þess að allir starfsmenn hafi fengið kynningu á henni sex mánuðum eftir gildistöku stefnunnar. Upplýsingar um þjónustu sveitarfélagsins skulu vera tiltækar á heimasíðu sveitarfélagsins á vandaðri og einfaldri íslensku, auk kynningar á ensku og eftir atvikum öðrum tungumálum með aðstoð tungumálavéla á heimasíðunni. Ábyrgðaraðili er sveitarstjóri í samvinnu við forstöðumann hvers sviðs. Upplýsingarnar skulu vera komnar á heimasíðu Sveitarfélagsins Skagastrandar innan árs frá gildistöku stefnunnar. Sveitarstjóri skal einnig tryggja viðmóti og aðgengi í upplýsingamiðlun til fólks með sérþarfir og fötlun eftir því sem við á.

Þar sem því verður komið við skal tryggja að tölvuumhverfi alls starfsfólks og annarra notenda tölvuumhverfis sveitarfélagsins geti verið á íslensku s.s. notendaviðmóti í algengustu forritum.

Samþykkt á fundi sveitarstjórnar 25. janúar 2024